



التاريخ: / / هـ.
الموافق: 16 / 5 / 2024 م.
الإشاري: 526 - 2024

السيد// نائب النيابة بمكتب النائب العام (وليد عقيلة المسوري)

بعد التحية ،،،

بالإشارة،،، الى كتابكم رقم (6-10-7770) المؤرخ في (2024/04/30م) بشأن التحقيقات الجارية في واقعة اختلاس مبالغ مالية من وزارة التعليم التقني والفني وتزوير مستندات. والمحال بموجبها عدد (1) فلاش ميموري وهي:

• فلاش ميموري نوع (PHILIPS USB 3.0 (16GB) (يعمل تم اعداد التقرير).

عليه ،،،

نحيل ،،، إليكم التقرير الفني للمبرزة (فلاش ميموري)

المرفقات: • فلاش ميموري نوع (PHILIPS USB 3.0 (16GB)

والسلام عليكم

نائب النيابة

عمر محمد اسكيانج

(رئيس قسم ضبط شؤون المعلوماتية والاتصالات)



صورة إلى:

- الأستاذ المستشار النائب العام.
- وحدة المعلومات والتوثيق.
- الملف الدوري بالأرشيف.

16



دولة ليبيا

مكتب النائب العام

التاريخ: 21 جوان 2024
الموافق: 4/30
الإشاري: 7770-10-6

السيد / رئيس قسم ضبط شؤون المعلوماتية والاتصالات بالمكتب .

بعد التحية

علاقة بالتحقيقات الجارية في واقعة اختلاس
مبالغ مالية من وزارة التعليم التقني والفني ،
وتزوير مستندات .

عليه

نحيل إليكم فلاش مموري والمرفق بمستندات
البلاغ ، وذلك لتفريغ محتواه .

السلام عليكم

وليد عقيلة المسوري

نائب النيابة بمكتب النائب العام



صورة إلى :-

- السيد / المستشار النائب العام
- السيد / مدير مكتب النائب العام
- للملف الدوري العام

أ. المسوري مروة
20244301

قسم ضبط شؤون المعلوماتية
والإتصالات
رقم الوارد / 238
التاريخ / 2024-5-5



دولة ليبيا

مكتب النائب العام

قسم ضبط شؤون المعلوماتية والاتصالات

التقرير الفني

نوع المبرزة // فلاش ميموري (PHILIPS USB 3.0) عدد المبرزات // (1) لون المبرزة // ابيض مع غلاف ازرق

الرقم التسلسلي // المبرزة (1) // F M 1 6 F D 0 0 B

مساحة الذاكرة الداخلية (1) // G.B 1 6

رمز قفل الجهاز // لا يوجد

تم تحريز المبرزة بحوزة // * بصفتها // *

الموضوع // واقعة اختلاس مبالغ مالية من وزارة التعليم التقني والفني وتزوير مستندات .

ملاحظات عن حالة المبرزة عند استلامها

**

1



اعتماد رئيس قسم ضبط شؤون المعلوماتية والاتصالات

بمكتب النائب العام

إعداد: 16

الملخص العام للتقرير الفني

1 يوجد في المبرزة 4 مقاطع صوتية حجمهم الاجمالي (2.62MB)

2

المقطع الاول المسمى (1) حجمه (1.38MB) تم تفرغته حرفياً

(السلام عليكم نبعثك المقطع الصوتي بناء على المعلومات يلي جتني البارح وتوا الصبح بامانة باش نكونو واضحين معلومات دقيقة ماقدروش يمدوني باي مستند لخوفهم الشديد من داخل وزارة التعليم التقني والفني من السيد طارق البي والسيد طارق ابوسورية والسيد محمد البوعيشي والسيد علي السايح وصلاح سلامة طبعا الوزير مغيب الوزير ماشي معاهم جاي معاهم با نسبة للسيد انور الهوش هادي اول مخالفة تعتبر داخل وزارة التعليم التقني والفني يلي كان مراقب مالي سابقا وتوا حاطينه مستشار في القسم المالي في وزارة التعليم التقني والفني وهذا كلام اكيد مية ف المية وتقدر يتحاسب بيه عليه.


الشي الثاني الشخص يلي هو ممكن حتى انا لو فيه مصداقية في العمل داخل مكتب النائب العام وهي خلاص الموضوع كبير تقدر تستدعوه السيد ابراهيم قاسوم هذا يل يعنده المعلومات الخطيرة والاوراق يلي شادها على الوزارة كان يخدم في الشؤون القانونية مع السيد ابوسورية والسيد البي السبب علاش خايف هو لانه يوم لي مشي خدي الوراق ومشي للرقابة الادارية , الرقابة الادارية طول مشو بلغو طارق البي وقالوله هذا الورق جابهولنا السيد ابراهيم قاسوم بلغ فيك طبعا لحسن الحظ السيد ابراهيم قاسوم اعطي صورة والاصل عنده والسيد طارق البي اصدر تعليماته من داخل الوزارة ان السيد ابراهيم قاسوم معاش يخش الوزارة ومعاش يجي اهنا طلعه من الوزارة ورده في واحد من المعاهد لانه هو شن صايرله يحضر في ماجستير او يقرأ فهو خايف ساوموه انت لو بلغت علينا في جديد ح نوقفولك الموضوع متع الدراسة متعك ومش ح يصير منك فاقعد خايف مرات يضروه لانه ماشي شوط باهي في الدراسة

اعتماد رئيس قسم ضبط شؤون المعلوماتية والاتصالات

بمكتب النائب العام

إعداد: 16

المعلومة الثانية ان الشخص قالي لو مثلا بيحقق السيد وكيل النيابة بيمشي للسيد مكتب طارق البي ع خاطر ثلاثة حاجات
اولا موضوع الشركات يلي يوردو ف البضاعة ويلي يجيبو في البضاعة من برا مثلا يلي يحقق في الشركات يلي عندكم.
ثاني حاجة الودائع والامانات يلي عنده ف وسط المكتب متعه قالي لو كان جابلك الاوراق با اسم واحد اسمه بدر الدين حدور قوله هادي مانبيهاش لانه الراجل هذا زمان ايام الوزارة كان يخدم نظيف ما خلاهمش يخنبو حولوه طلعهو ندب خارج الوزارة وجابو واحد ثاني لقبه الهيشي هو علواني المهم يسكن في سوق الجمعة طبعا من هو العصابة يلي معاه واحد اسمه هشام الزواري لقبه الزواري مش من زوارة والسيد الهيشي وواحد اسمه احمد الطويل الملقب با الطويل وهو ممكن احمد الهوش خو انور الهوش حسب المعلومة يلي جت لكن ره هادو الثلاثة الذراع الايمن في تنفيذ تعليمات السيد طارق البي في حاجات تتسجل داخل السجلات وفي حاجات من اليد لليد ماتتسجلش خاصتا البنزنس متعهم السيد مدير مكتب البي واحد اسمه محمد المزداوي كان يوم من الايام يسكن ف المعهد زوالي ما عنده شي راجل يتعاطى في المخدرات سمعته كانت سيئة في يوم وليلة اصبح عنده زوز فيلات شاريهم في عين زارة بالملايين منين معناها شوف روحك شن صاير معناها طارق البي هذا يعتبر البغضة متعه مايرضاش فيه دقة اليبيرا وهذا السيد محمد المزداوي .
نحو للسيد الهادي زريبة يلي هو ماسك المخازن هذا طبعا يلي حسب كلام المصدر قال طول السنة وهو في لجان دائمة داخل الوزارة شوف روحك معناها لما واحد طول السنة جميع للجان اي لجنة تخص الوزارة سواء مالية او شراء معدات او جرد الخ ... كل لجنة فيها طبعا الشخص هذا قريب من الهادي زريبة لانه هو من النوعية يلي يخاف لو شاف سيارة شرطة يرعش ف حالة تم التحقيق لابد يطلع من المكتب وهو معاه دفاتر والواصلات يلي فيها الدخول والخروج الصادر والوارد لانه لو طلع من المكتب ح يجو بعده ح يتلفو كل شي يعني مثلا يوم



يلي بيستدعوه للتحقيق يفتح القجار ويجيب جميع الاوراق والمستندات لي معاه لانه هو كلهم في القجر ف الطاولة .

الشي الثاني فيه زوز جابوهم للمالية توا حاليا نعرفوهم كانوا ف القسم المالي ف المعهد العالي

يلي ف السبعة واحد اسمه خالد الشطي من منطقة بئر الغنم وواحد اسمه اشرف ضو جايب ماجستير من تركيا وهو ماطلغش من ليبيا اصلا يعني فهمونا كيف واحد يقرا في ماجستير ف تركيا وقاعد يخدم ف القسم المالي والحسابات والميزانية وبرامج الادارية يلي يعرفوها الماليين في الوزارة اهننا فيه موضوع فيه فساد صاير.

الموضوع الاخر السيد خالد الشطي حتى هو كان يخدم ف القسم المالي ف المعهد العالي للمهن الميكانيكية هذا المعهد يلي توا فيه الوزارة نفس القصة ماطلغش من ليبيا وجاب ماجستير من صربيا يعني ماطلغش الموضوع كله فيه تلخبيط وفيه فساد غير عادي

نجي للحاجة الثانية كانوا فيه شركة الوحيدة يلي قعدة ضمن الشركات يلي هو احتمال يوم الاحد نبعثلك اسم الشركة يتحرو عليها الوحيدة هادي يلي قالك الدببية مش صدر وقال ممنوع الشركات تتعاقد مع اي شي من مؤسسات الدولة الا عن طريق رئاسة الحكومة والشركة هادي لفو من بعيد ولفت الازرف وقعدة هي هي نفس الشركة شادها واحد اسمه طلال وطلال منو والله مانعرف قعدة هي نفس الشركة تبرزنس مابين البي وجماعة الوزارة وياخدو في الباي متعهم والشركة ان شاء الله ح نجيبلك اسمها غدوة .

والموضوع الاخر هو قالك فيه السيد محمد البوعيشي هو مدير امين سر مكتب الوزير واحد زمراك من ايامات الزنداح وتوا عديل عادل الزنداح يلي كان ماسك الهيئة قبل هذا داير معهد ف تركيا هو والسيد نصر الدين العوامي اسمه معهد رسل الحضارة هذا باي صفة يفتحو معهد غادي وشن الوجهة لي عندهم وكيف جباية الفلوس والموضوع كبير فيه موضوع في تركيا وما يندري عليه حد والموضوع هو نقولو واخدين حصتهم بالاتفاق مع الوزارة يعني مش من خارج الوزارة هي كيقة قسموها دارو معهد ف تركيا وياخدو ساس ب الدولار او اليورو الله اعلم


معلومة اخرى قال عندنا فيه مكافآت لينا اكثر من سنتين او ثلاثة مابوش يصرفوهم توا لما جو بيصرفوهم دخلوهم للاستقطاع الضريبي مع ان المكافآت المالية قالك ماتخش للاستقطاعات الضريبية وطارق البي شن داير قالك لما يجي عندي مستحقات مالية تجري عليها من وزارة المالية وفرضا وزارة المالية تنهي جميع الاجراءات المالية ويحولوها للقطاع يلي انتي تشتغلي فيه مثلا عطوك عشرة الاف توصل الرسالة للسيد طارق البي يقولك لا مانقدرش نعطيك العشرة الاف مهناش ميزانية احدي ربك اعطيناك الفين ولا ثلاثة والباقي يمشف الجيب.

الشي الاخر التامين الصحي هادي القضية يلي ح تخدمو عليها مزبوط التامين الصحي دفعو عليها فلوس الشركة يلي هي دارو بيها عرض لما صار الضغط عليهم وطالبو المعلمين والموظفين التامين الصحي شن وضعه وهكي مشت الوزارة سحبت الفلوس من الشركة وصرفوها على روحهم هما وصغارهم وبدون ما يعطو للناس حقها ودورو وتحققو من هي الشركة يلي تعاقدت مع وزارة التعليم التقني والفني في التامين الصحي السنة يلي فاتت 2023 اكيده ح تنجاب الشركة هادي ويحققو معاها وين فلوس الناس يقولك رديتهم اكيدهما الوزارة استلمت مستحيل شركة تعطي فلوس من غير واصل استلام فالوزارة خدت الفلوس وصرفتها على عائلاتها وموظفيها بدريعة التامين الصحي لصغارهم وفلوس مني فلوس الناس الغلابة يلي هما شاركو ف الموضوع هذا .

الموضوع الاخر يلي هو وحدة اسمها منى الونيسي هادي موظفة طالعة ايفاد تقرا وماسكة اكثر من منصب داخل الوزارة شن فيه الله اعلم هي طالعة ايفاد وقعدة تشتغل ويكلفو فيها بمهام وفي القانون لما تطلع ايفاد تقرا جميع المهام متع الوزارة توقف لكن هي لا تقرا وفي اسرع وقت ممكن اسرع شهادة ايفاد وصلت خدتها الخميس يل فات ماليهاش ممكن مش عارف قداش ما عطلتس الخميس ل فات قالك ناقشت مشروعها وجابولها رسالة واتية وتمت امورها وهي علاقتها قوية ب البي وصلاح سلامة وعلي السايح .

المقطع الثاني المسمى (2) حجمه (923KB) تم تفريغه حرفياً


(علي السايح طبعا هذا مدير شؤون الكليات التقنية في وزارة التعليم التقني والفني تحت السيد طاهر بن طاهر علي السايح هذا طبعا توا فيه مشكلة صايرة ومبلغين عليها خاش فيها هو والسيد البوعيشي في كلية الطيران السبيعة فيه واحد دكتور اسمه يا محمد غيث يا غيث محمد الاسم واحد منهم المهم عنده مستحقات وعنده امور مادية طبعا لزوه من الوزارة قداش مرة وراقية مريحينهم وصايرة مشكلة كبيرة لانه فيه اختلاس كبير مالي لا يوصف داخل وزارة التعليم التقني من كلية الطيران السبيعة تقدر وتفتحو ملف ف كلية الطيران السبيعة لانه فيه اجراءات وحتى زمان صندوق مكافحة الفساد والصندوق الاسود للفساد والرقابة الادارية عندهم ملف كامل بالفساد يلي صاير ف كلية الطيران السبيعة سببها علي السايح فيه اختلاس لا يوصف الشي الاخر عندي مستندات تصور هملك ونبعثهملك للسيد صلاح سلامة انتي توا تخصصك مالي مداير رسالة موجهها للسيد الوزير بقوائم ما يقارب حوالي 200 او 200 وشوية من اغلب المناطق يلي هي الواحات وادي الاجال والجفارة بعض الاسماء من نالوت حاطينها ف الجفارة واسماء ف الجفارة حاطينهم ف الواحات ملخبطينهم المهم باش ماتعرفهمش فيه بعض منهم مواليدهم واصل للسنتين طالب من السيد الوزير ضرورة الاسراع بتمكين المعنيين في اقرب وقت ممكن علما بانه يتقاضون مرتبات من وزارة المالية شن معناه هذا يعني فيه شي مالي من جبهة ثانية بيو يحملو على وزارة التعليم التقني والفني باش الفلوس يخشو ف الجيب وشوفي روك وبن يمشو فيه ناس من غير ارقام وطنية وفيه ناس مصرية فيه ناس مانعرفهمش القوائم عندي توا تصور هملك ونبعثهملك واسحبهم با رسالته من السيد صلاح سلامة فيه تلخبيطة صايرة ما بينه وبين البي المهم ره السيد صلاح والبي فولة وانقسمت يقسمو ف الخبزة على زوز.



عندي طبعا ملف كامل من السيد العجيل الهجاني (المقطع 2-دقيقة 2:14) بالمخالفات المالية والادارية من مدير مكتب نالوت يلي توا حولوه وغمو عليه وسلمو المكتب لواحد ثاني من البيادقة يلي عندهم هما باش مايوصلش الاجراء للرقابة والنائب العام حنا ره قدمنا قبل رمضان الاوراق هادي للمكتب النائب العام نحاول بقدر الامكان نشوف الجماعة نجيبك الرقم الاشاري متعها ملف كامل سلمناه فيه الاختلاسات فيه مخالفات ادارية وفيه مخالفات مالية اكثر من هكي معاش نقدر نعطيك معلومات يعني درت جهدي بما فيه الكفاية وقاعد لحد الان نتواصل مع الطرف الوسيط باش يجيبو الشخص هداكا يلي قتلك الاستاذ ابراهيم قاسوم يلي هو شد الاوراق هديكا تودر الوزارة ب يلي فيها الحل الوحيد في حالة انك انتي الموضوع هذا كبر تستدعوه السيد ابراهيم قاسوم نبعثك رقم تليفونه ويعطيه ضمانات مكتب النائب العام انه الوزارة ما طقش فيه ويفرج الاوراق يلي عنده يجيبوها كلها معناها خودي الجماعة كلها ف الحبس هادي الحل الاخير ف حالة يبو الاوراق يلي عنده لكن المعلومات هادي لو بيحققو فيها وبيتحرو عليها السيد الهادي زربية امين المخازن يجيبوه هو بالبلاكيئات متعه السيد محمد المزداوي يلي هو مدير مكتب البي والبوعيشي ونصر الدين العوامي وخالد الشطي يلي جاب ماجستير من صربيا وهو قاعد في المالية والسيد احمد ضو جاب ماجستير من تركيا وهو قاعد يخدم ف المالية السيد انور الهوش حاطينه مسنشار وهو اصلا موظف ف وزارة المالية عن طريق المراقبات المالية والسيد معروف احمد الطويل هو خو انور الهوش احمد الهوش والسيد الهيشي او الحبشي يخدم ف القسم المالي رئيس القسم المالي والمراجعات المالية في الوزارة نفس العصابة هي ستة اسماء السر كله في ادارة المعاهد الفنية واحد اسمه حسين صبيرا هذا سواق صلاح هذا لو ينقام اقسام بالله يهر الشكارة كلها اجبن منه مافيش المهم والشركات طبعا زي ماقتلك الشخص قالي مجرد مايمشو يحققو معاه قولهم يجيبولنا ملف الشركات يلي عندكم وملك الامانات والودائع كل شي داخل وزارة التعليم التقني والفني ح يطلع تبي وكيل نيابة صح يخدم بضمير وراجل وطني الورق مرات مايجيش لكن الملفات يلي

اعتماد رئيس قسم ضبط شؤون المعلوماتية والاتصالات

بمكتب النائب العام



عندهم في الوزارة كله ح تطلع هذا بالمختصر المفيد وشوفي لو حبيتي نعطيك رقم الراجل واسمه لما تكلميه قوليله حنا نجوك نرفعوك تحت حمايتنا وجيب الاوراق والمستندات يلي عندك نعرفو انك انت قدمت الاوراق للنقابة الادارية وحي واحد اسمه محمد مش عارف منو قالولي محمد يلي كان في لجنة متع الرقابة الادارية جي بلغ طارق البي قاله ره السيد ابراهيم قاسوم هو يلي جابلنا الاوراق وجابلنا المعلومات عليك فلذلك السيد البي لز هداكا الراجل وطلعوه من الوزارة وطبعاً هو قعد يساوم فيهم وهو علاش خايف بيبي يكمل قرائته بيبي يدير تغيير مسار باش يولي عضو هيئة تدريس هادي المعلومة وشوفي بزبط وين تبي توصلي وقوليلي الاوراق متع نالوت مكتب المعاهد الفنية موجود عندي ونشوف بقدر الامكان ناخذك الرقم لاشاري متع القضية نفسها يلي قدمناها زمان لمكتب النائب العام تو نجيبك الرقم الاشاري تقدري اتابعي عليه وباقي المعلومات هادي لي عطيتهاك هادي تلقيه ف تقريرك الاسماء الموجودة بس اشترط ره انقولك هادي على كلام الراجل الشخص لي عطاني المعلومة قالي يا اسامة في حالة استدعوهم لما يستدعوهم كان استدعوهم كلهم لكن يلي بيخش يخش بالواحد لانه قالي كان خشو مع بعض يبدو يلفو ع بعضهم ويدورو وكلها بنهر لي هناك قالي ره جبناء لابعده حد وانشاء الله ربي يسلم

(.

4 المقطع الثالث المسمى (3) حجمه (239KB) تم تفرغته حرفياً

(باهي والله شن امورك انت ايمن ان شاء الله الحمد لله شني شن صار معاك مع ابراهيم ياودي قوله من الاخير راني درت موعد يوم 4/28 مدايبا انا الاسبوع هذا بندير مذكرة باش نثبت اوراقيا قوله تعال يا سي الكرك قعمز شن تبي تاخذ انا والله مايطق فيه واحد شوف هو قاعد معانا ف الوزارة ولا سييب.

ايمن : (لا توا حاطينه منذوب في معهد مش عارف وين مه لزه طارق البي قاله معاش تخش اهنا).

يعني هو المهم برا الوزارة قاعد بالله قوله يا ابراهيم احنا مانبو منك شي اوريقة وحدة بس ورقة وحدة بس باش تفتح ابواب جهنم عليهم
مشكلة تعرف مشكلة كان يوم 28 وخشيت فاضي ره انا زي مانقولو والله بنطلع عيل ره بجهد جهيد باش حصلت الوضع هو وحصلنا واحد مع الراس.
ايمن : (انا والله لما ندوره اليوم وغدوة تو نعرفه ومرات ندورك) يا حاج انا مانيش طالع من الحوش قاعد كاني بنطلع تلقاني اهنا قريب ف الخلطة وانا برنامج شيخ نصر تمينله امس طول (ان شاء الله ان شاء الله).

5 المقطع الرابع المسمى (4) حجمه (107KB) تم تفريره حرفياً
(انتي حتى الاوراق يلي عطيتهملك متع الحجاجي توديههم كلهم في داهية هادي بروحها سادة باب يفتح باب فهمتي انتي غير حتى من ضمن الشكوى قولي هذا لي حاطينه نقيب عام على الوزارة والتعليم التقني ويجرو ببو يحطوه بعد الاعتماد فيه ناس ثانية اعتمدت قاعدين ينتحل في الصفة وشوفو اخلاقياته وسلوكياته وعند محضر مفتوح في مركز الهضبة في سنة 22 في شهر 5 وسكروه ب ستين الف حكمة يقدرو اليوم يجيبوه ويجيبو حتى العقيد اسمه العقيد علي الصراري يلي كان ماسك التحقيقات في مركز الهضبة كلهم يجيبوهم ببو انه انتي اجراءاتك صحيحة بعدين الباقي يفتح والله بعدين لما يجيبوهم واحد واحد .)

11 عدد صفحات التقرير (9).

